


OPERA TINCTA

CHRISTI SANGVINE NON
iustificant.

QVI vitam in vita vis lætam, in morte beatam,
Hæc meditanda tibi res est, hæc cura fouenda,
*Vi noris quoniam iustificare modo,
Cum sistere Dei Iudicis ante Thronum.*
Orthodoxus ait, tua IUSTIFICATIO CHRISTVS,
Clamat idem Hæreticus, tua IUSTIFICATIO CHRISTVS.
*In sermone uno non tamen una fides,
Nec paribus verbis sensus utriusque, quadrat.*
Sentit Evangelicus, Christum sic iustificare,
Vt non ipsa fides, quæ vis est mente residens,
*Non ullum fidei fonte quod exit opus,
Non quicquam à Christo quod sit, & esse potest,*
In nobis positum: sed solus & unicus ille:
Sed quæ iustitia est illius corpore fixa,
*Nostra favore Dei facta, prehensa fide,
Hoc uno iustos reddat & una modo.*
Contrà ait Hæreticus, Christum sic iustificare,
Quod tibi iustitiam infundat, quod conferat intus;
*Quæ cum est cepta fide, sit cumulanda dein,
Proventus operum multiplicanda novo.*
Quod si operum steriles fruges objeceris: Ex se
Non hoc, inquit, habent, hoc illis gratia præstat,
*Iustificanti Christi sanguine tincta Dei.
Sanguine tincta Dei? Dic Iebusita precor,*
Dic precor Hæretice, in Patribus qui totus inheres
Quis veterum est unquam sic fando locutus avorum?
*Cujus ab ingenio producit ista phrasis?
Quo primum nata est tempore? quovè satum?*
Tum quid hoc est, Tingi virtutes sanguine Christi?
Nempe prout Christi meritum, fundamen earum,
*Et, quo etiam sunt, Spiritus ipse Dei,
Molem insinit ponderis ambo vehunt:*
Sic vim infinitam nostris virtutibus indi,
Iustitiæ & vitæ ex illis, quasi jure, merendæ.
*Ab Iebusita pudet, commiseret quæ tui.
Nostrorumque operum par geminusque, valor,*
Spiritus & merito Christi, quod ab huiusce redundant?
Ergo par ostro xylum si murice tinctum,
*Et par fontis aqua, quæ venit inde palus,
Et par majori, cussa moneta minor.*
At stulti, infani, cæci, nunquamne voletis
Nostris in meritis Christum carnemque videre?
*Quid faciat Christi spiritus? & quid Homo?
Gratia quid, quid nos? Quid Deus, & quid Ego?*
Discite, quod sanum est, moniti, nec temnite verum.
Partem operis cujusque Caro sibi vendicat; omne
*Non purus putus Spiritus, edit opus:
Fontis aqua, simul est mista paludis aqua.*
Impressus Regis vel parvus imagine numus
Cui rit, & hunc illi dat Regis imago favorem:
*Ponderis in numo mutat imago nihil.
Hoc opera (advertis) experiuntur idem.*
Spiritus & meritum Christi dant huiusce favorem,
Vt sint grata Deo: verum mutare valorem
*Millecupla ut sint, quæ quadrupla, nemo potest.
Unus est Christi proprius iste valor.*
Ergo sit immensum meritum, sit gratia Christi
Immensa in sese: tamen isto culmine non stant
*Nostra, licet Christi tincta cruore, bona.
Hactenus haud equidem est tinctilis ulla caro.*
Vno haud invitus sensu tingi ista faterer.
Spiritu, ut hiis verum trahat, inditus ille, colorem,
*Sanguine, carne satas qui lavet huiusce notas,
Nec sic iustificanti: Iustificanti enim.*



PAPA NEC PRINCI-

PES EXAVTORARE, NEC EO-
RVM SVBDITOS A DEBITA
fide liberare potest.

QVis pius hanc tractans prosa vel carmine causam
Temperet à lachrymis? Christinè Vicarius ille,
*Ille Petri, Regum fulmen in orbe Papa?
En quæm converse res abiere retrò.*
Christus sancitor Regum, sultorque thronorum,
Cæsaribus tribui iussit, quæ Cæsaribus: ille
*Qui toto, Christi, iactat in orbe vices,
Regales toto quassat in orbe thronos.*
Christus Cæsareum subiitque, tulitque tribunal,
Dependit pro se, Christus, Petroque tributum;
*Iam grave Cæsaribus Papa tribunal habet,
Iam sua Principibus Papa tributa negat.*
Qui timuit Reges, à Regibus ille timetur:
Iudicium quod erat de Papa Regibus antè,
*Ad se de cunctis Regibus ille trahit,
Surgit & in summum postica cauda caput.*
Paulus obediri vult Regibus; iste resistit:
Omnem animam Paulus vult huiusce subesse: recusat:
*Ius illis gladii præbet is: iste rapit.
Subjungitque suo vult fora cuncta foro.*
Paulus vectigal, portoria, jura, tributum,
Principibus solvi mandat: Quid Papa rebellis?
*Clerum, ait ille, meum non decet istud onus:
Hæreticus Rex est: jura ergo cadet.*
Petrus honorari vult Reges: priuat honore
Papa, volens: Petrus præcellos nominat illos:
*Præcellos illos posthabuit iste sibi,
Nempe suas pastor spiritualis oves.*
Ecquid hoc est? fertis Reges? & ferre potestis?
Sic majestati illudet mala bellua vestra?
*Sicne dato vestras exeret ense manus?
Sic populos iustis solverit ille fide?*
Vestrene sic vilis calcabit jura Sacerdos
Idem hostis Christi, & vester? Nam quæso quis hostis
*Amplius? (hic Christi si sit amicus) verum?
Aut male, quis vobis, si velis iste bene?*
At datus est nobis generalis Pastor in Orbe:
Quid si non datus est? At enim datus ille sit orbi.
*(Nec tamen ingenuè largior esse datum.)
At verò esto datus: quæso, quid inde fluit?*
Illius est ergo Regum juxta ac populorum
Procurare animas, speculari facta, videre
*Mores, & regimen quale sit, & quid agant:
Christone utiliter re gnâque, seque, gerant.*
Fac breve, concludas. Peccantes corrigit ergo,
Adquæ suum magno revocabit jure tribunal.
*Corriget? Inquit, suum protrahet ille forum?
Quæso, quid hoc ipsum est corriget? hoc quæ forum?*
Nempe inquam multum orabit, placideque monebit.
Rectè ais, hæc, si fors, non proficit, arguet illos,
*Terrebit verbis, iudicijque, Dei.
Hoc Papale magis: Sed tamen ista licent.*
Hoc casso, Templo, Sacramentisque movebit:
Detur & hoc: quamvis magnum, ac in Principe rarum.
*Nunquid plus? Immo: si minus, istud erit.
At nimum est, plus hoc (Transfuga) quicquid erit.*
Sedibus ejiciet patriis, regnisque movebit:
Iurataque fide populos absoluet avitos.
*Nunquid Pastoris (Proditor) istud opus?
Officii fines hos habet ille suis?*
Ah prohibete lupum à vobis, arcete molossum
Reges: nam Lupus est sparsos qui viscerat agnos,
*Custodes ovibus qui vetat esse Canes,
Et populos propriis Regibus esse pios.*